

弄丸心法

蜀新都楊鳳庭西山弄丸心法全集

共八卷

彭先春 張玉軒

金典書 楊克三

再傳門人 夏賡虞 韋啟泰 同校

黃元吉 張福堂

傅子華 湯績成

目錄

一卷 脈訣

二卷 脈訣

三卷 雜論

四卷 雜論

五卷 雜症

六卷 雜症

七卷 雜症

八卷 婦科 兒科

弄丸心法卷二

脈訣二十九部

新都張福堂校刊

浮脈 陽也

浮脈之象。泛泛浮浮。如水漂木。舉之有餘。按之不足。有力表實。無力陽虛。人迎相應。以審外因。氣口相應。以審內因。左寸見之。風眩頭昏。右寸見之。喘吐惡心。浮在左關。寒熱身痛。浮在右關。腹脹胸膨。左尺腎虛。必主腰痛。右尺火動。便難淋瘕。浮緊傷寒。浮緩傷風。浮虛傷暑。浮滑痰飲。浮細傷濕。浮大瘡生。浮濇目霧。浮弦中風。浮遲風虛。浮數癰膿。浮大而濇。宿食氣滯。浮細而滑。痰多飲。

溢肝腎並浮風水之痰浮盛按衰表實裏虛浮有按無無根可疑。

沉脈 陰也

沉脈之象如石投水。必極其底。舉之不足。按之有餘。有力裏實。無力陰虛。人迎相應。邪傳於裏。氣口相應。正氣陷溺。左寸見之。胸痛氣鬱。右寸見之。喘吐痰積。沉在左關。曾傷怒氣。沉在右關。痛因積聚。左尺得沉。腹痛便閉。右尺得沉。腸痛瀉痢。喘嗽脈沉。轉陷不吉。肝腎並沉。石水之疾。癰疽得沉。邪氣入裏。潰後得沉。稍可調理。沉遲痼冷。沉數熱積。沉滑宿食。沉濇氣鬱。沉緊懸飲。沉細氣

弱。沉伏吐瀉。陰毒積聚。沉重直前。絕者血瘀沉重中散。寒食瘕癖。沉弱精少。沉弦痛急。脈來沉重。上不至寸。徘徊絕者。循尸脈也。

遲脈 陰也

遲脈之象。一息三至。減於平脈。一至是也。有力實寒。無力虛寒。人迎相應。外感寒痛。氣口相應。中寒之症。遲在左寸。腹痛心動。遲在右寸。氣虛痰盛。左關見之。惡寒身痛。右關見之。胃冷肢重。左尺血弱。右尺陰症。氣寒則縮。血寒則凝。臍寒腹痛瀉黃便清。男寒厥精。女冷子宮。浮表沉裏。寒分輕重。病後遲緩。養正則平。遲滑脹滿。遲瀉。

癢成。消中夏月沉遲最凶。乍遲乍數。虛火之徵。遲而並芤。血冷妄行。遲而兼弦。痛急不寧。

數脈 陽也

數脈之象。一息六至。多於平脈。二至是也。有力實火。無力虛熱。人迎相應。外受邪熱。氣口相應。內燥虛煩。數在左寸。頭痛狂言。數在右寸。吐血咳痰。左關見之。脇痛目眩。右關見之。胃熱吞酸。左尺陰虛。右尺便難。肺脈數大。癰在肺間。肺脈虛數。肺痿難全。浮數表熱。皮膚如燔。沉數裏熱。血爲火煎。數而兼短。心痛難堪。數而兼緊。脇痛不安。數堅蠱毒。數實燥煩。數大煩渴。數疾水乾。數細而

虛虛勞難看兼沉骨蒸兼浮氣喘

滑脈 陽中陰也

滑形累累串珠之義。應指圓滑。往來流利。無力血虛。有力痰氣。人迎浮滑。痰因風劇。氣口沉滑。痰因氣鬱。左寸如滑。頭昏心悸。右寸如滑。嘔逆噎氣。左關血熱。右關積聚。左尺疝瘕。右尺淋閉。滑實胃熱。滑弱胃寒。滑雜大小。霍亂吐利。滑而間短。水逆積聚。一手滑散。癰瘡可慮。尺滑有神。妊娠已具。滑而斷絕。經水不利。

濇脈 陰也

濇形責責如摸磋商側。指下阻滯。往來艱濇。有力氣滯。無

力血少。人迎浮濇。虛寒在表。氣口沉濇。精血將稿。左寸頭痛。心疼如搗。右寸氣虛。喘息不了。左關肝病。脇痛目眇。右關膈噎。爲害匪小。左尺水涸。豈能壽考。右尺精傷。後嗣渺渺。關前若濇。汗出肉痛。關後若濇。帶下痢症。濇細久寒。濇緊痺病。濇甚痰多。服藥不聽。濇更細數。虛勞殞命。沉弦細濇。痛處審症。女子脈濇。生育難定。無孕經閉。有孕胎動。

虛脈

陰也

虛形空虛。舉按無力。散大而軟。如按絮綿。謂之虛者。正氣奪也。人迎之虛。夏傷暑邪。氣口之虛。勞倦各別。左寸

多汗驚悸業業。右寸眩昏。言語懶說。左關筋軟。右關泄瀉。左尺見之。痿痺而厥。右尺見之。虛勞無節。左數血虛。必生內熱。右大氣虛。畏與寒接。若兼弦數。陰虛勞熱。虛而濇者。後嗣恐絕。

實脈

陽也

實形長大。舉按有力。必兼洪滑。其象乃的。謂之實者。邪盛可知。人迎候表。風寒相持。氣口候裏。飲食無疑。左寸咽乾熱。逼神思。右寸氣壅。痰厥莫支。左關若實。脇痛目翳。右關若實。腹痛嘔逆。左尺便難。右尺癰閉。脈實以堅。邪方熾矣。脈實燥痰。邪熱在裏。脾脈實強。水穀之疾。婦

人尺實有孕之軀。

長脈 陽也

長脈之形如摸長竿。往來端直。過於指縫。和平氣治。駁雜氣病。人迎相應。邪在厥陰。氣口相應。火冲肺中。左寸胸滿。膈上痰凝。右寸嘔吐。胃熱上冲。目痛不眠。左關可憑。身熱煩渴。右關必逢。左尺疝氣。右尺腸風。其人癲狂。脈見長洪。其人壯熱。長搏可徵。陽毒便結。正陽明經。左關獨長。淫慾內生。兩尺悠長。必是壽翁。

短脈 陰也

短脈之形。不及本位。上半指動。下半指歇。指縫之間。多

不相接。無力氣虛。有力氣結。人迎相應。邪氣滯也。氣口相應。中氣虧也。左寸頭痛。右寸噎噎。左關見短。痛連胸脇。右關見短。宿食爲邪。左尺脛冷。右尺泄瀉。上不至關。陽氣短絕。下不至關。陰氣短竭。悲哀之人。短其常也。乍短乍長。鬼相侵也。

大脈

陽也

大之爲象。橫寬縱長。滔滔滿指。如水汪洋。帶緩則吉。帶實則凶。人迎相應。浮大傷風。氣口相應。虛寒在中。左寸見之。火因風生。右寸見之。肺被火攻。左關實大。血必妄行。右關實大。酒傷中宮。左尺水涸。右尺便紅。大而有力。

實熱之形。大而無力。元氣疲癯。大則邪盛。久病勿逢。關上伏大。熱痰停留。

小脈 陰也

小之爲象。橫細縱短。舉按皆然。比之平脈。小却一半。無力氣虛。有力積患。汗出惡風。人迎必見。冷痰停積。氣口可驗。左寸不眠。右寸力倦。左關胆虛。右關蟲犯。左尺逢之。虛損決斷。右尺逢之。陽事不健。前大後小。頭昏目暗。前小後大。胸滿氣顫。小則氣病。鬱而不散。諸部小急。皆曰瘕疝。乍大乍小。神志昏亂。

洪脈 陽也浮

洪之爲象。有如洪水。來盛去衰。滔滔滿指。有力邪甚。無力假熱。心之本脈。旺於夏月。人迎見之。頭痛表邪。氣口見之。內熱燥結。左寸心火。瘡生口舌。煩渴心慌。飲水無節。右寸肺火。咳唾痰血。火來尅金。須防肺絕。左關肝火。痛牽胸脇。右關胃熱。脹須辨別。左尺水虧。陰精將竭。右尺火動。龍雷飛越。洪實癰疾。洪大祟也。洪緊爲癰。或喘不歇。洪長熱深。氣爲火劫。洪數中毒。口糜唇裂。洪滑熱痰。反胃噎噎。

微脈 陰也浮

微之爲象。如蜘蛛絲。似有若無。欲絕非絕。諸微爲虛。陽

氣微也。人迎相應。寒濕暑疾。氣口相應。自汗拘急。左寸
心寒。神不寧矣。右寸肺虛。氣將散矣。左關中寒。唇青麻
痺。右關脾寒。少食瀉痢。左尺見之。腰痛疝氣。右尺見之。
癰冷寒積。寸口微數。病非朝夕。微則少氣。榮氣阻逆。嘔
吐噎噎。三焦稿矣。女微崩帶。男微虛極。浮微陽虛。無根
非吉。沉微陰虛。肢節拘攣。微瀦漏下。半產可必。微爲陽
表。治律不一。總宜溫補。回陽爲的。

散脈

陰也浮

散之爲象。如花飛片。浮大之中。應指分散。舉之則合。按
之四濺。散而無緒。陽氣散亂。人迎相應。傷寒不宜。氣口

相應。氣耗胃虛。左寸獨散。傷喜無疑。右寸若散。喘急必危。左關見之。心熱相移。右關見之。瀉黃如糜。左尺若散。骨痿筋疲。右尺若散。遺尿不知。散而滑者。妊可卜知。產婦卽產。孕婦墮之一部散脈。病尙可醫。各部脈散。根本脫離。大補大飲。可起瘡痍。

細脈 陰也沉

細之爲象。形如線然。長而且硬。如尋琴弦。陰被邪刑。知爲邪盛。少帶和緩。有胃則生。人迎相應。痿痺已成。氣口相應。腹滿痢癰。左寸心熱。膈滿胸膨。右寸痰積。嘔喘並行。左關脇痛。爲疝爲癥。右關胃痛。飲食留停。左尺腰痛。

奔豚上攻。右尺便痛。或淋或癰。前大後細。脫血遺精。前細後大。神勞氣窮。細緊癥瘕。痛急不寧。細滑僵仆。熱痰在中。細而兼數。將成骨蒸。細而兼實。下之乃平。冬月見之。有病亦輕。

緊脈

陽也數

緊脈之象。如按合繩。縱而挺急。橫有轉側。邪正相搏。氣血相逼。有力實痛。無力虛痛。浮緊傷寒。人迎相應。沉緊傷食。氣口相應。左寸風寒。必主頭痛。右寸痰氣。胸疼頭痛。痛在左脇。左關緊甚。痛在胃腕。右關緊甚。左尺疝氣。右尺冷症。緊在浮分。身痛無疑。緊在沉分。腹痛痢症。緊